

Goibekokale

ELGETA / Barikua / 2004eko uztailaren 2a / 192. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95



Patxi Basauri alkateak sinatu zuen akordioa Gipuzkoako Foru Aldundian martitzenean.

NAGORE GARCIA DE BIKUÑA

Laguntza hitzarmena gizarte zerbitzuetarako

IRATI AGIRREAZALDEGI

Elgetako Udalak eta Gipuzkoako beste hiru udalak lankidetzaz hitzarmena sinatu dute Foru Aldundiko Gizarte Politikarako Departamendurakin. Helburu nagusia landa eremuko zentro balioanizdunen bitartez adineko ezinduei laguntzea da.

Gipuzkoako Foru Aldundiko Gizarte Politikarako Departamentuak lankidetzaz hitzarmena sinatu du aste honetan hainbat udalekin, tartean Elgetakoarekin. Hitzarmen horren helburua da herri horietan kokatutako landa eremuko zentro balioanizdunen bidez adineko ezinduei laguntza ematea.

Hitzarmena Diputazioak herri txikietan gizarte zerbitzuak hobetzeko duen Hurbiltzen izenburuko planean sartuta dago.

Udalekin hitzarmenok sinatu ostean, Esther Larrañaga Gizarte Politikarako foru diputatuak poza adierazi zuen, "administrazio ezberdinen lanari" esker hitzarmenak sinatzea posible izan delako".

"Hitzarmen horiek pauso handia dira herri horietako adineko ezinduentzako laguntza hobetzeko, kalitatezko laguntza jasoko baitute, beren behar zehatzei egokitutako baliabideen bitartez, eta etxetik gertu, gainera. Pauso bat gehiago ematen ari gara landa eremuko biztanleok, eskubideak ziurtatuta edukitzeko, eta laguntza baliabideen kalitateari dagokionez, herri txikietan aspalditik egon den eskasia gainditzeko joateko", esan zuen Larrañagak.

ELGETAKO ZENTROA

Eguneko zentroa eta babestutako etxebizitzak daude guneotan, eta asteon sinatutako akordioek eguneko zerbitzuan dute eragina. Babestutako etxebizitzaren ardura, berriz, Udalarena da.

Elgetako zentro balioanizduna datorren uztailaren 16an inauguratuko dute

Esther Larrañagak esan zuenez, "tokian tokiko beharrei egokituta egin dira zentroak; udalerriri bakoitzean ikusitako eskariaren arabera planifikatuak".

Uztailaren 16an inauguratuko duten Elgetako zentro balioanizdunaren ardura Udalak izango du. Eguneko zentroan zazpi plaza egongo dira eta babespeko etxebizitzan, berriz, hiru lagunendako tokia izango da.

Babespeko etxebizitzak erai-kindaren beheko solairuan dago kokatuta, eta 75 metro koadro ditu. Bertan, banakako hiru gela, sukaldea, bainugela geriatrikoa eta guztiendako eremu bat egongo dira.

Eguneko zentroak ere 75 metro koadro ditu eta guztiendako eremua eta bainugela geriatrikoaz gain, bulegoa, biltegia eta garbiketara gela izango ditu.

Zentro balioanizduna egiteak 143.637 euroko kostua du eta Foru Aldundiaren ekarpena %47koa da. Gizarte Politikarako Departamentuak 30.000 euroko ekarpen ekonomikoa egingo du urtero zentro balioanizduna mantentzeko; etxebizitzak babestutak, berriz, Udalak finantzatu ditu.

MUSIKA

Herriko musika ikasle gazteen kontzertua

I.A.

Musika doinuak entzungo dira Elgetan datorren egunean. Herriko musika ikasle gazte txoek kontzertua eskainiko dute Espaloian. Emanaldia 20:00etan hasiko da eta musikari gazte txoek ikasturtean landutako kantuak jendarean joko dituzte.

Kurtso osoan zehar musika ikasten jardun ostean, ikasitakoa jendarean erakusteko aukera izango dute herriko musikari gazte txoek. Orain dela lau urte inguru egin zen azken aldiz horrelako emanaldi bat herrian, eta aurten Elgetako musikari gazte txoek elkartuta eta berriz egitea pentsatu dute.

Horretarako, ikasturte amaierako kontzertua antolatuko dute. Emanaldia datorren egunean, hileren 8an, izango da, 20:00etan, Espaloia Kafe Antzokian.

HAINBAT MUSIKA TRESNA

Kontzerturako egitarau zabala gertatu dute, eta hainbat musika tresna entzuteko aukera egongo da bertan.

Pianoan Ibane Zubiaurrek, Maitena Mañarikuak, Nora Ugarteburuk, Iñaki Beristainek eta Janire Lazkanok jardungo dute.

Aitor Gorostizak eta Ane Elortzak gitarra doinuak ekarriko dituzte. Adrian Gorostizak eta Janire Lazkanok soinua joko dute. Iraitz Lazkanok, berriz, zeharkako txirula eta txistua joko ditu.

Bestalde, trikitilari eskolako ikasleek soinua joko eta panderoa astinduko dute, besteak beste, fandangoa, arin-arina eta biribilketak joaz.

Benito Lertxundiren *Erribera* edo Itoiz taldearen *Lau teila* bezalako kantuekin batera musika klasikoko beste hainbat doinu entzungo dira; Mozart eta Beethoven-enak tartean.

Kontzertu horrekin, urte guztian egindako lana alferrikakoa ez dela izan erakutsiko dute ikasleek. Elgetan bertan eta Bergaran jaso dituzte eskolak, eta urei erakusten jardun duten irakasleak honako hauek dira: Angel Agiriano, Adolfo Jainaga, Cristina Larrañaga, Lorea Larrañaga, Jose A. Ordoñana, Elena Perez eta Amaia Urdangarin.

LABUR

Domekako antzezlanak aldatu egin dute eta "Biblia osoa... gutxi gorabehera" izango da

"Shakespeare osoa... gutxi gorabehera" izeneko antzezlanak ziren egitekoak jaietako azken egunean, baina aktoreetako batek istripua izan duela-eta, "Biblia osoa... gutxi gorabehera" lana eskainiko dute Txalo Producciones eta Kanpingagsekoek. Antzerkia 22:30ean izango da Espaloia Kafe Antzokian eta taula gainean Joseba Apaolaza, Patxi Barco eta Asier Hormaza aktoreak egongo dira.

Eskulanak ipiniko dituzte jaietan ikusgai kultura etxeko erakusketa gelan

Ikasturtean herriko hainbat lagun eskulanak egiten ibili dira, eta eurek egindako lanak ikusgai ipiniko dituzte kultura etxean jaietan. Egurra, letoia eta beste material batzuk erabili dituzte, eta aurtengo berrikuntza beira izan da. Bestalde, altzariak zaharberritu egin dituzte, eta haiek ere erakusketan egongo dira. Egunenetik zapa-tura bitartean 12:00etatik 14:00etara eta 18:00etatik 20:00etara egongo da zabalik eta domekan goizeko ordutegian bakarrik.

KIROLA

Apezetxea-Narbarre eta Arretxe-Zapirain ETB Kantxa txapelketako finaletan domekan

I.A.
ETB Kantxa pilota txapelketa iritsi da amaierara. Domeka honetan jokatuko dira finalak Udaltzako Pilotalekuan, 12:00etan hasita. Kadete mailan Apezetxeak eta Narbarrek jardungo dute; 23 urtez azpikoetan, berriz, Arretxe eta Zapirain izango dira aurrez aurre.

ETB Kantxa lau t'erdiko pilota txapelketako finalak domekan izango dira jokoan.

Eguerdiko hamabietan kadete mailako pilotariak irtengo dira kantxara. Apezetxea eta Narbarre goizuetarrak izango dira aurrez aurre. Antolatzaileek esan digutenez, Apezetxea da maila horretan txapelketa irabazteko faboritua. Izan ere, "iaz bera izan zen

txapelduna Elgetan, eta pilotari konpletoa izanik aurten ere txapelketa polita egin du", esan digu Juan Luis Uberak. Gertatzen dena gertatuta ziur dagoen gauza bakarra da kadete mailako txapela Goizuetara joango dela.

PARTIDU OREKATUA

Haien ostean, 23 urtez azpikoek jardungo dute. Arretxe nafarrak eta Zapirain gipuzkoarrak. Partidu horretarako ez dago faborito argirik. Juan Luis Uberaren esanetan, "biak dira pilotari gogorak eta edozeinek irabaz dezake, nahiz eta orain arte sekula ez diren izan ez bata eta ez bestea Elgetako finalean".

Finaleko partiduak grabatu eta telebistaz emango dituzte domeka arratsaldean, ETB1en, 17:00etan.



Apezetxea, iazko txapelduna (behean eskuman), aurten ere finalean izango da.

LABUR

Udalak eta bertako langileek akordioa egin dute

Hiru barikutan jarraian, Elgetako Udaleko langileek ordu eta erdiko geldialdiak egin dituzte lan hitzarmena negoziatzeko eskatzeko. Udal langileak eta ordezkariak negoziatio mahaian eseri, eta Elgetako langileek egindako eskariak onartu egin ditu Udalak. Hain zuzen ere, langileek soldataren %3,2ko igoera izango dute eta igoera hori urtarriletik honako soldatetan ere egingo da. Bestalde, hiru langilerendako, garbitasun lanetan jarduten dutenendako, lan mailaketan aldaketa eskatu zuten, eta horrela, mailaz igotzea adostu dute, baina aldaketa hori aurten gorako baino ez da izango. Egoera nola dagoen ikusita langileek ados azaldu dira hartutako erabakiarekin.

JAIK

Dantza solteko txapelketan hamabi bikote izango dira lehian

I.A.

Orain dela urte asko egin zen azken aldiz Elgetan dantza solteko txapelketa, eta aurten, Jai batzordeak berriz ere antolatzea erabaki du. Dantza saioa jaietako domekan izango da plazan 18:00etan-hasita. Txapelketan 16 urte arteko dantzariak hartuko dute parte. Guztira, hamabi bikotek eman dute izena, tartean Atarrabiako bi bikote izango direlarik. Partaideen artean Hiart Bolinaga eta Andoni Elortza elgetarrek osatutako bikotea ere izango da, eta herritarren aurrean euren maila erakutsiko dute. Elgetan ez ezik udan beste hainbat herritan ere jardungo dute.

ARIN-ARINA ETA FANDANGOA

Dantzari gaztetxoek, epaimahai-lagunen aurrean, arin-arina



ARTXIBOA

Hiart Bolinaga eta Andoni Elortza elgetarrek jardungo dute txapelketan.

eta fandangoa dantzatu beharko dituzte Adolfo Jainaga trikitilari eibartarraren doinuak lagun dituztela.

Lehenengo hiru bikoteek garaikurra eta diru saria jasoko dute. Baita 12 urtetik beherako lehen bikoteak ere.



Añiketan areto futboleko txapeldun

Elgetako Areta Futbol Txapelketako finala izan zen jokoan joan den zapatuan. Añiketan eta Vicios izan ziren aurrez aurre, eta Arrasateko Añiketan taldeak irabazi zuen partidua: 5-2 izan zen emaitza. Partidua lehen zatian irabazi zuten arrasatearrek; hiru gol egin zituzten bat ere jaso gabe. Beraz, iazko garaipenari eutsiz aurten ere Añiketan izan da txapeldun./I.A.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea
- Podologia



- Solariuma
- Drenaje linfatikoa
- Algekin eginiko estalkia
- Depilazioa laser bidez

Dei ezazu 646 50 00 29 telefonora ordua eskatzeko



PANA DE ROKUA TATETXEAL

- Eguneko menua
- Asteburuetan menu berezia
- Espezialitateak: babarrun-jana eta saihetsa

SALBADOR 10 ELGETA TEL.: 943 76 82 73

JAR EZAZU
HEMEN
ZURE
PUBLIZITATEA.

Goibekokale

ILE APAINDEGIEN GIDA

BERONIKA JAUREGI/ ILEAK ILE APAINDEGIKOA

'Bartzelonara noa Llongueras-Center ile mozketara eta kolore ikastaroa egitera.'

Zenbat urte daramatzazu orrazten?

Lanean zazpi urte daramatzat. Ikasketak bi urtean egin nituen eta beste urtebete kanpoan egon nintzen, lanbidea hobeto ikasten, perfektionatzen.

Moda jarraitzen duzu?

Bai, noski. Lanbide honetan moda jarraitzea oso inportantea da. Urteik urtera eta sasoi batetik bestera, orrazkerak, ilea mozteko erak eta joerak aldatu egiten dira. Madrilan eta Bartzelonan urtero egiten diren nazioarteko erakustaldietara joaten naiz. Ikastaroak ere egiten ditut; orain, adibidez, Bartzelonara noa Llongueras-Center ile mozketara eta kolore ikastaroa egitera.

Zer-nolako bezeroak dituzu?

Adin guztietako bezeroak ditut; gazteak eta nagusiak, emakumezkoak eta gizonezkoak.

Bezeroek ondo zaintzen dute ilea?

Bai, gaur egun jendeak garrantzi handia ematen dio ilea ondo edukitzeari, ilea hobeto edukitzeko zer egin behar duten galdezen dute. Orrazkera eta kolorea sarritan aldatzen dituzte.

Bezeroak ideia garbiekin etortzen dira?

Denetarik dago. Pertsona nagusiak normalean garbi edukitzen dute zer nahi



Beronika Jauregi Ileak ile apaindegiko jabea.

duten. Dena dela, ideia garbiekin etortzen denari ere ideia berriak ematen diet eta batzuetan aldatzera animatzen dira. Gazteek aholkua eskatzen dute, askotan ez dakite-eta zer egin nahi duten. Gazteen artean ausartak direnek modako koloreak eta orrazkerak eskatzen dituzte.

Ile apaindegia bakarrik ala beste zerbitzu batzuk ere eskaintzen dituzu?

Ile apaindegiaz gain, makillajea, manikura eta aurpegiko depilazioa egiten ditut.

ileak

Ozaeta 3 - Bergara
943 76 22 54

- Ilerako tratamenduak
- Teknika berriak
- Era guztietako orrazkerak

Aukera onenak

ADATS

Herri lagunak 4 - Bergara
943 76 49 51

- Solarium bertikala
- Europako azken tendentziak
- Zerbitzu berezi eta pertsonalizatua

AMPARO
ILEAPAINDEGIA
ESTETIKA

Boni Laskurain 2 - Bergara
943 76 43 07

- Txapelketetako Gipuzkoa taldekoak
- Ké rastase tratamenduak
- Makillaje bereziak
- Abangardia lanak

BEROTZI

PELUQUERAS

D. Fleming 5 - Bergara
943 76 53 15

- Sebastian promozio bereziak
- Trucco makillajea
- Londres eta New Yorkeko azken tendentziak
- Schwarzkopf kolorea

disdira

ile apaindegia

Masterreka 7 - Bergara
943 76 00 55

- Luzatzeak
- Azken joerak
- Ezkontzak
- Azken joerak koloreetan

IDOLA

Espoloia 4 - Bergara
943 76 97 75

- Ile luzatzeak
- Aurpegiko larruzal garbitzea
- Solariuma

IZARRA

San Pedro 23 - Bergara
943 76 29 72

- Luzatzeak, ile-kordak, rastak
- Ilerako bitxiak
- Solariuma dutxarekin

KIZKUR

Bôlu 51 - Bergara
943 76 50 32

- Ile apaindegia eta estetika areto integrala
- Azken joerak
- Puntako markak

ORRASKI

San Pedro 6 - Bergara
943 76 47 01

- Ile apaindegi mistoa
- Kolore bereziak
- Ezkontzak
- Solariuma

Ostadar

Ibargarai 42 - Bergara
943 76 72 76

- Ile mozte eta kolore pertsonalizatuak
- Depilazioa eta makillajea
- Solariuma dutxarekin

Pepelu

Zurradero 2 - Bergara
943 76 43 07

- Gizonezkoendako
- Labanaz moztea
- Azken tendentziak
- Bizartegia
- Kolorea

Sanchez

Fraiskozuri 4 - Bergara
943 76 23 70

- Gizonezkoendako
- Labanaz moztea
- Klasikoa/modernoak
- Bizartegia
- Kolorea